



Gedicht: Sunnableame-Vierzehning

Beitrag

Sunnableame-Vierzehning

*Heit (26.11.2023) hob i in Happing a Sunnableame gsehgn:
Ganze vierzehn Kinda san dro gwen.
Wia des passiert is, ko ma bloß vermutn.
Es gabat ja mehra Methodn.*

*Oa Möglichkeit foit mia grad ei:
Des muaß a bsundane Zucht sei.
Wahrscheinli hot si a Happinger Bauer wos nei's ausdenkt
und da Muattapflanzn an 14fachen Nachwuchs gschenkt.*

*Es gibt ja imma weniga Biena,
und valossn ko ma si aa nimma aufs Klima.
Do muaß ma si scho wos neis ausdenka,
wia ma de Pflanzn vui Kinda tuat schenka.*

*Wenn künfti bei da Muattapflanzn oiwei 14 Kinda dro san,
kannn de Happinger Bauern an da Ackfläch'n sparn.
Auf da frei'n Fläch'n kann ma bei de hoäß'n Summa Banana obaun,
und i brachat koane mehr kaffa, sundan kann'ts klaun.
Des waar mei Traum!*

Gedicht und Foto: Marga Leingartner



Kategorie

1. Natur & Umwelt

Schlagworte

1. Gedicht
2. Happing
3. Sonnenblume